

OKRUŽNI PRIVREDNI SUD U ISTOČNOM SARAJEVU

Broj: 061-0-Su-24-000143

Istočno Sarajevo 12.02.2024. godine

PRILOG A

**Strateški plan rada  
2022–2024.  
Godišnji program rada  
za 2024. godinu  
OKRUŽNI PRIVREDNI SUD U ISTOČNOM SARAJEVU**

---

## SADRŽAJ

1. Uvodna riječ predsjednice suda
2. Opis nadležnosti suda, strateški cilj sa vizijom i izjavom o misiji
3. Opći podaci o unutrašnjoj organizaciji suda i kadru, infrastrukturnim i materijalno-tehničkim kapacitetima
4. Sažetak analize strateškog okvira
5. Sažetak prioriteta za plansku godinu, kao i procjene mogućih problema i rizika u realizaciji
6. Analiza unutrašnjeg i vanjskog okruženja u kojem radi sud
7. Pregled strateških i srednjoročnih (trogodišnjih) ciljeva za period planiranja
8. Prijedlog godišnjih aktivnosti suda po srednjoročnim (trogodišnjim) i strateškim ciljevima, uz utvrđene rokove i nositelje aktivnosti
9. Godišnji plan rješavanja sudskih predmeta

## 1. Uvodna riječ predsjednice suda

Visoko sudsko i tužiteljsko vijeće Bosne i Hercegovine (u daljem tekstu: VSTV), na svojoj sjednici održanoj dana 12.05.2020. godine usvojilo je Uputstvo za strateško planiranje i izvještavanje u sudovima u Bosni i Hercegovini (u daljem tekstu: Uputstvo).

Uputstvom je utvrđena obveza izrade godišnjeg programa rada sudova, koji treba da sadrži strateške ciljeve ili mjerljive pokazatelje za praćenje srednjoročne ili dugoročne realizacije programa rada, sve sa ciljem razvijanja kvalitetnije strateške osnove za srednjoročno planiranje i uvezivanje sa budžetom.

Strateško planiranje treba pomoći sudovima da planiraju svoje buduće aktivnosti, utvrde prioritete, efikasno rasporede ljudske i materijalne resurse te da prate napredak u odnosu na utvrđene strateške ciljeve.

Planiranjem i implementacijom konkretno definiranih aktivnosti, Okružni privredni sud u Istočnom Sarajevu osigurava snažnu argumentaciju za obezbjeđenje podrške nadležnih ministarstava i bolje razumijevanje potreba ove pravosudne institucije, s jedne strane, te ovakav pristup doprinosi unapređenju transparentnosti rada suda i usmjeravanje da njen rad bude u najvećoj mjeri orijentiran na odgovaranje potrebama poslovne zajednice, s druge strane.

Na mjesto predsjednice suda sam stupila na dužnost 15.05.2023. godine i odmah poduzela sve mjere i aktivnosti kako bi se u većoj mjeri poboljšala ažurnost i transparentnost suda, poboljšao kvalitet sudskih odluka i povećalo povjerenje javnosti u ovu pravosudnu instituciju.

Od 22.01.2024. godine sud djeluje u punom sastavu što se tiče sistematiziranog broja nositelja pravosudne funkcije, dok je u deficitu sa ostalim zaposlenicima i to nedostaje sekretar suda i dva stručna suradnika. Očekujem da će se dvije pozicije stručnog suradnika popuniti do maja 2024. godine, dok će se mjesto sekretara suda popuniti 20.02.2024. godine.

U realizaciji Strateškog plana rada za period 2022-2024. godine te predmetnog Godišnjeg programa rada za 2024 godinu, bit će uključeni svi ljudski resursi suda (sudije i nesudsko osoblje) kao i raspoloživa materijalna i tehnička sredstva.

## 2. Opis nadležnosti suda, sa vizijom i izjavom o misiji

### NADLEŽNOST SUDA (MANDAT):

Okružni privredni sud u Istočnom Sarajevu započeo je sa radom, kao novoosnovana pravosudna institucija prvog stupnja, dana 01.05.2010. godine sukladno odredbi člana 29 b) Zakona o sudovima Republike Srpske (Službeni glasnik Republike Srpske br. 27/2012), sa specijalnom stvarnom nadležnošću koja pokriva prostorno područje opština Sokolac, Pale, Istočni Stari Grad, Istočno Novo Sarajevo, Istočna Ilidža, Trnovo, Višegrad, Rudo, Rogatica, Novo Goražde, Vlasenica, Šekovići, Han Pijesak i Milići, a koja je utvrđena odredbom čl. 33 Zakona o sudovima Republike Srpske (Službeni glasnik Republike Srpske br. 37/12, 44/15, 39/16, 100/17).

Okružni privredni sud u Istočnom Sarajevu, kao prvostepeni sud, tako, odlučuje:

- a) u parničnim i vanparničnim sporovima koji se odnose na prava i obaveze po osnovu pravnog prometa roba, usluga, vrijednosnih papira, vlasničkih i drugih stvarnih prava na nekretninama, kao i na prava i obaveze proistekle iz vrijednosnih papira, u kojima su stranke u postupku pravna lica ili fizička lica koja u svojstvu preduzetnika i u drugom svojstvu obavljaju privrednu ili drugu registrovanu djelatnost u vidu osnovnog ili dopunskog zanimanja
- b) u sporovima koji nastanu u primjeni Zakona o privrednim društvima ili bilo kojeg drugog propisa koji se odnosi na organizaciju i status privrednih društava, rješavanje sporova nastalih između članova privrednog društva međusobno te između članova društva i privrednog društva, a tiču se položaja članova u privrednom društvu, upravljanja privrednim društvom i vođenja poslova koji proizlaze iz njihovog položaja u društvu,
- c) u sporovima iz autorskog prava, srodnih prava i prava industrijske svojine
- d) u sporovima nastalim povodom djela za koja se tvrdi da predstavljaju nelojalnu konkurenciju ili monopolistički sporazum
- e) u postupcima stečaja i likvidacije u skladu sa zakonom, kao i u svim sporovima koji nastanu u toku i povodom sprovođenja postupka stečaja i likvidacije
- f) u poslovima registracije pravnih lica ili samostalnih preduzetnika uređenih Zakonom o upisu poslovnih subjekata u sudski registar
- g) o sprovođenju izvršnog postupka po pravosnažnim izvršnim sudskim odlukama privrednih sudova
- h) o sprovođenju izvršnog postupka po vjerodostojnim ispravama u kojima su obje stranke u postupku pravna lica ili fizička lica koja u svojstvu samostalnog preduzetnika ili u drugom svojstvu obavljaju privrednu ili drugu registrovanu djelatnost u vidu osnovnog ili dopunskog zanimanja i po izvršnim notarskim ispravama u kojima su obje stranke u postupku pravna lica
- i) o određivanju mjera obezbjeđenja
- j) o pružanju pravne pomoći sudovima u Republici Srpskoj i Bosni i Hercegovini iz svoje nadležnosti
- k) o obavljanju poslova međunarodne pravne pomoći iz svoje nadležnosti
- l) o sporovima koji nastanu stranim ulaganjima i
- m) o obavljanju i drugih poslova uređenih zakonom

## **Misija**

Okružni privredni sud u Istočnom Sarajevu u okviru svojih nadležnosti propisanih zakonom osigurava građanima i poslovnim subjektima efikasan sistem pravde zasnovan na pravilnoj primjeni Zakona i provedbenih akata uz poštivanje i zaštitu najviših međunarodnih i domaćih pravnih standarda.

## **Vizija**

Okružni privredni sud u Istočnom Sarajevu u budućnosti vidim kao neovisan, nepristrasan i transparentan sud koji kroz zakonito i pravično suđenje i suđenje u razumnom roku ostvaruje princip vladavine prava kao ključni segment pravnog sustava s ciljem stjecanja još većeg povjerenja građana u efikasan i neovisan sustav pravosuđa u cjelini.

### **3. Opći podaci o unutrašnjoj organizaciji suda i kadru, infrastrukturnim i materijalno-tehničkim kapacitetima**

Organizacija i način unutrašnjeg sudskog poslovanja Okružnog privrednog suda u Istočnom Sarajevu uređena je Zakonom o sudovima Republike Srpske, Pravilnikom o unutrašnjem sudskom poslovanju, te internim aktima suda.

U Okružnom privrednom sudu u Istočnom Sarajevu nema osnovanih sudskih odjeljenja, a referati u kojima se postupa i odlučuju su:

- parnični privredni sporovi velike vrijednosti spora (preko 5.000,00 KM) oznake „PS“, male vrijednosti predmeta spora (do 5.000,00 KM) oznake „Mals“ i komunalni privredni sporovi oznake Mals-Kom
- predmeti likvidacije (predmeti oznake: L) uključujući tu i aktivnost na likvidaciji privrednih društava po službenoj dužnosti (predmeti oznake L-Reg)
- predmeti restrukturiranja i stečaja (predmeti oznake: Res i St)
- vanparnični predmeti (predmeti oznake: V)
- predmeti pružanja pravne pomoći (predmeti oznake: Pom, Mpom)
- predmeti privrednih izvršenja na osnovu izvršne isprave, vjerodostojne isprave i komunalni predmeti izvršenja (predmeti oznake: Ip-Ip, Ip-Kom)
- predmeti registracije poslovnih subjekata (predmeti oznake : Reg i RegZ)
- predmeti sudskih mjera osiguranja (predmeti oznake: Ps-Mo i Mals-Mo)

Sve vrste predmeta u nadležnosti Okružnog privrednog suda u Istočnom Sarajevu unijete su u informatički automatski sistem upravljanja predmetima u sudovima (CMS) osim predmeta registracije poslovnih subjekata (Reg) u kojima se postupa u posebnom Jedinственном informacionom sistemu registracije poslovnih subjekata (JIS) uvezanom sa Agencijom za

posredničke, informatičke i finansijske usluge (APIF), te predmeta postupanja po raznim zahtjevima u vezi sudskog registra (RegZ).

Pravilnikom o unutrašnjoj organizaciji i sistematizaciji radnih mjesta u Okružnom privrednom sudu u Istočnom Sarajevu broj 61-0-Su-23-000722 od 31.10.2023. godine na koji je svoju suglasnost dalo Ministarstvo pravde Republike Srpske broj suglasnosti 08.030/020-2910/23 od 16.01.2024. godine sistematizirano je 4 sudijske pozicije od kojih je jedna ujedno i predsjednika suda, te ukupno 18 (osamnaest) radnika za vršenje administrativnih i pomoćno-tehničkih poslova.

Usvojeni budžet suda za 2024 godinu iznosi 958.800 KM i veći je za 1,54 %, odnosno 14.800 KM u odnosu na Rebalans iz 2023.godine koji je iznosio 944.000 KM

#### **4. Sažetak analize strateškog okvira**

Strateški okvir u oblasti pravosuđa, kao osnova predmetnog strateškog planiranja, čine naročito:

- Zakon o sudovima Republike Srpske (uređena organizacija, nadležnost i funkcioniranje suda)
- Pravilnik o unutrašnjem sudskom poslovanju (uređena organizacija i način unutrašnjeg poslovanja suda i druga pitanja od značaja za unutrašnje sudsko poslovanje)
- Uputstvo za izradu Plana rješavanja predmeta (propisana obaveza sudova da donose planove, sadržaj plana, praćenje provođenja plana te angažman predsjednika suda u realizaciji plana)
- Strategija reforme sektora pravde u Bosni i Hercegovini (usuglašavanje prioriteta razvoja sektora pravde i realne reformske aktivnosti u pravcu jačanja i održavanja neovisnog, nepristranog i profesionalnog pravosuđa)
- Pribeov izvještaj (naglašava da je dužnost svih javnih organa i svih sudova da poštuju i obezbjeđe poštovanje visokih standarda prava građana, kao i da se svi zakoni moraju tumačiti i primjenjivati na način da se ostvaruju prava građana proklamovana Ustavom)
- Srednjoročna strategija za početnu obuku i stručno usavršavanje sudija i tužilaca (razvoj sistema mentorstva u okviru početne obuke te razvoj sudijskih kompetencija radi pravilne primjene zakona i drugih propisa, ujednačavanja sudske prakse radi razvijanja pravne sigurnosti)
- Zakon o slobodi pristupa informacijama (jačanje transparentnosti rada suda)
- Zakon o zaštiti prava na suđenje u razumnom roku (utvrđuje zaštitu prava na suđenje u razumnom roku kao i pravo na pravično zadovoljenje koje se ostvaruje u sudskom postupku)
- Strateški dokumenti EU- Agenda 2030 i Ciljevi održivog razvoja u sustavu planiranja i upravljanja razvojem (stvaranje boljeg društva i budućnosti gdje niko neće biti isključen te gdje su ljudi, prosperitet, mir, partnerstvo i briga za planetu Zemlju u središtu bolje i zajedničke budućnosti)
- Projekat tehničke pomoći Svjetske banke: Unapređenje poslovne klime kroz bolje procesuiranje privrednih predmeta u BiH (cilj da se otklone slabosti i loši rezultati u rješavanju privrednih sporova)

- Komunikacijska strategija VSTS BiH i Komunikacijske strategija Okružnog privrednog suda u Istočnom Sarajevu (poboljšanje imidža pravosuđa i jačanje povjerenja javnosti u pravosudni sistem).

#### 4.1. Strateški cilj

Unapređenje efikasnosti, odgovornosti, transparentnosti, dostupnosti, kvalitete i neovisnosti Okružnog privrednog suda u Istočnom Sarajevu, koji ima za svrhu poboljšanje rada ovog suda postizanjem bolje organizacije rada i veće ažurnosti kroz brže i kvalitetnije donošenje odluka, što u konačnici ima za cilj unapređenje rada ove pravosudne institucije, veće zadovoljstvo korisnika usluga suda i jačanje povjerenja građana u rad ove pravosudne institucije.

Dakle, prioriteti Okružnog privrednog suda u Istočnom Sarajevu u navedenom i nastupajućem periodu su povećanje efikasnosti ove pravosudne institucije, poboljšanje kvaliteta sudskih odluka, poboljšanje unutarnje organizacije, veća ažurnost u postupanju, poboljšanje profesionalnog i etičkog ponašanja uposlenika, poboljšanje materijalno-tehničkih uvjeta rada i sigurnosti, bolja suradnja sa svim ključnim institucijama: VSTV, Ministarstvo pravde RS i Advokatske i Notarske komore, kao i transparentan odnos s javnošću.

## 1. Sažetak prioriteta za plansku godinu, kao i procjene mogućih problema i rizika u realizaciji

U planskoj 2024. godini strateški cilj Okružnog privrednog suda u Istočnom Sarajevu dijelim na dva segmenta i to:

- strateški cilj br. 1 - Unapređenje efikasnosti i efektivnosti rada suda
- strateški cilj br. 2 - Transparentnost rada suda.

Prvim strateškim ciljem („Unapređenje efikasnosti i efektivnosti rada suda“) želi se ostvariti postulat suđenja u razumnom roku kroz smanjenje broja neriješenih starih predmeta sa visokim standardom kvaliteta sudskih odluka, a drugim strateškim ciljem („Transparentnost rada suda“) želi se adekvatno i blagovremeno informirati javnost u vezi rada suda.

U pravcu ostvarenja dva strateška cilja, predsjednica suda će:

- obezbijediti da se poslovi i zadaci suda, uključujući poslove sudske uprave obavljaju zakonito, uredno i blagovremeno
- redovno održavati kolegije sudija i sastanke sa zaposlenicima suda
- pratiti i kontrolirati rješavanje predmeta prema starosti inicijalnog akta
- pratiti rješavanje stečajnih predmeta i predmeta u vezi i proisteklih iz stečaja
- starati se da se potpuno realizira Program edukacije sudija i ostalih zaposlenika suda
- organizirati poslove u sudu u cilju blagovremenog i adekvatnog informiranja javnosti o radu suda

Potencijalne prepreke u realizaciji strateških ciljeva, predsjednica suda vidi u:

- mogućoj nedovoljnosti financijskih sredstava odobrenih godišnjim budžetom
- odsustva sa radnog mjesta (posebno bolovanja nositelja pravosudne funkcije i zaposlenika)

## 2. Analiza unutrašnjeg i vanjskog okruženja u kojem radi sud

„SWOT“ analiza jedna je od najpoznatijih i osnovnih tehnika strateške analize. Riječ je o jednom od ključnih alata kod donošenja strateških odluka. Ova analiza identificira i analizira četiri aspekta, a to su: **S** Strengths (Snage), **W** Weaknesses (Slabosti), **O** Opportunities (Prilike) i **T** Threats (Prijetnje). Promatranjem vlastitih snaga i slabosti u kombinaciji s prilikama i prijetnjama iz okruženja dolazimo do strateških saznanja kako bismo mogli poduzeti pravilne mjere i aktivnosti za postizanje željenih i drugih ciljeva.

	SNAGE (STRENGTHS)	SLABOSTI (WEAKNESSES)
UNUTARNJI FAKTORI/ČIMBENICI	<ul style="list-style-type: none"> <li>- kadrovska popunjenost</li> <li>- solidna tehnička opremljenost</li> <li>- pokrivenost poslovnih procesa internim aktima suda</li> <li>- timski rad</li> <li>- evaluacija radnog učinka kroz ocjenjivanje</li> <li>- otvorenost suda javnosti</li> </ul>	<ul style="list-style-type: none"> <li>- nedovoljna obučenosť u CMS V3</li> <li>- nepostupanje po predmetima iz Plana rješavanja predmeta</li> <li>- nedovoljna transparentnost</li> <li>- odsustvo nadzora nad radom stečajnih upravitelja</li> <li>- neopravdane odgode/odlaganja ročišta</li> </ul>
VANJSKI FAKTORI/ČIMBENICI	PRILIKE (OPPORTUNITIES)	PRIJETNJE (THREATS)
	<ul style="list-style-type: none"> <li>- učešće u projektima unapređenja kvaliteta pravosuđa</li> <li>- pravna sigurnost</li> <li>- privlačenje donatorskih sredstava</li> <li>- adekvatno planiranje budžeta suda</li> <li>- suradnja sa Centrom za edukaciju sudija i tužitelja, Ministarstvom pravde i drugim institucijama u pravcu stručnog usavršavanja sudija i nesudskog osoblja</li> </ul>	<ul style="list-style-type: none"> <li>- ograničenja u kreiranju i realizaciji budžeta</li> <li>- odsustva sudija i nesudskog osoblja uslijed bolovanja</li> <li>- nepovoljno medijsko izvještavanje</li> <li>- opća ekonomska kriza</li> <li>- odsustvo volje privrednih subjekata da privredne sporove rješavaju putem alternativnih načina</li> </ul>



### 3. Pregled strateških i srednjoročnih (trogodišnjih) ciljeva za period planiranja

Naziv strateškog cilja (maksimalno 3-5 strateških ciljeva)	Izvor <sup>1</sup> (veza sa ciljevima iz strateškog okvira)	Program u DOB-u (upisati broj i naziv programa)	Partneri (institucije sa kojima sud zajedno učestvuje u realizaciji strateškog cilja)
Unapređenje efikasnosti i efektivnosti rada suda	Strategija reforme sektora pravde u Bosni i Hercegovini; Uputstvo VSTV BiH za izradu Plana rješavanja predmeta; Zakon o zaštiti prava na sudenje u razumnom roku; Projekat tehničke pomoći Svjetske banke; Unapređenje poslovne klime kroz bolje procesuiranje privrednih predmeta u BiH	/	VSTV BiH; Viši privredni sud RS; JU Centar za edukaciju sudija i tužitelja Republike Srpske
Transparentnost rada suda	Komunikacijska strategija VSTV BiH i Komunikacijska strategija Okružnog privrednog suda u Istočnom Sarajevu; Zakon o slobodi pristupa informacijama;	/	VSTV; mediji

<sup>1</sup> Upisati cilj iz sektorske strategije ili nekog drugog relevantnog dokumenta u oblasti pravosuđa iz kojeg proizlazi strateški cilj, preuzima se strateški cilj ili doprinosi realizaciji određenog cilja u dokumentu iz strateškog okvira

## 8. Prijedlog godišnjih aktivnosti suda po srednjoročnim (trogodišnjim) i strateškim ciljevima, uz utvrđene rokove i nositelje aktivnosti

(Tabela sadrži naziv strateških ciljeva, trogodišnjih ciljeva i aktivnosti za plansku godinu, sa rokom izvršenja i nositeljem realizacije aktivnosti)

Strateški cilj 1.		Unapredjenje efikasnosti i efektivnosti suda		
Trogodišnji cilj 1.1.		Smanjenje broja neriješenih i starih predmeta u sudu		
Pokazatelji za izlazne rezultate		Očekivani rezultati po godinama		
		2022 (n)	2023 (n+1)	2024 (n+2)
Procenat riješenih predmeta u odnosu na neriješene na stečajnom referatu		25%	31%	35%
Procenat riješenih parničnih predmeta u odnosu na neriješene predmete		21%	42%	45%
Procenat riješenih predmeta izvršenja u odnosu na neriješene		26%	43%	50%
Redni broj	Naziv aktivnosti za 2023. godinu	Rok izvršenja (po kvartalima u 2024. godini)	Nosilac (najmanji organizacioni dio)	
1.	Ravnomjerna raspodjela predmeta	I-IV	Predsjednik suda	
2.	Redovna analiza izvještaja o radu suda sa posebnim osvrtom na realizaciju Plana rješavanja predmeta	I-IV	Predsjednik suda Sekretar suda	
3.	Analiza razloga trajanja neriješenih predmeta stečaja	I-IV	Predsjednik suda sudije	
4.	Aktivnija saradnja sa stečajnim upravnicima	I-IV	Predsjednik suda i stečajne sudije	
5.	Analiza broja predmeta proizašlih iz stečaja	I-IV	Predsjednik suda Sekretar suda IKT službenik	

<b>Strateški cilj 1.</b>		<b>Unapređenje efikasnosti i efektivnosti suda</b>		
<b>Trogodišnji cilj 1.2.</b>		<b>Unapređenje kvaliteta sudskih odluka</b>		
<b>Pokazatelji za izlazne rezultate</b>		<b>Očekivani rezultati po godinama</b>		
		2022 (n)	2023 (n+1)	2025 (n+2)
Procenat potvrđenih i preinačenih odluka u odnosu na broj ukinutih odluka		87 %	91 %	93 %
<b>Redni broj</b>	<b>Naziv aktivnosti za 2023. godinu</b>	<b>Rok izvršenja (po kvartalima u 2024. godini)</b>	<b>Nosilac (najmanji organizacioni dio)</b>	
1.	Unapređenje interne baze sudskih odluka iz privredno pravne oblasti	I-IV	Predsjednik suda Stručni suradnici Sekretar suda	
2.	Edukacija predsjednika suda i sudija, u saradnji sa VSTV i CEST-om RS	I-IV	Predsjednik suda i sudije	

<b>Strateški cilj 2.</b>		<b>Transparentnost rada suda</b>		
<b>Trogodišnji cilj 2.1.</b>		<b>Objave na web stranici suda</b>		
<b>Pokazatelji za izlazne rezultate</b>		<b>Očekivani rezultati po godinama</b>		
		2022 (n)	2023 (n+1)	2024 (n+2)
Broj objava na web stranici suda		0	1	3
<b>Redni broj</b>	<b>Naziv aktivnosti za 2023. godinu</b>	<b>Rok izvršenja (po kvartalima u 2024. godini)</b>	<b>Nosilac (najmanji organizacioni dio)</b>	
1.	Objava planova i izvještaja o radu suda te drugih informacija od interesa za javnost	I-IV	Predsjednik suda Sekretar suda IKT Službenik	
2.	Objava postupaka javnih nabavki	I-IV	Predsjednik suda Sekretar suda IKT Službenik	

<b>Strateški cilj 2.</b>		<b>Transparentnost rada suda</b>		
<b>Trogodišnji cilj 2.2</b>		<b>Pristup informacijama</b>		
<b>Pokazatelji za izlazne rezultate</b>		<b>Očekivani rezultati po godinama</b>		
		2022 (n)	2023 (n+1)	2024 (n+2)
Usvojeni zahtjevi za pristup informacijama		100%	100%	100%
<b>Redni broj</b>	<b>Naziv aktivnosti za 2023. godinu</b>	<b>Rok izvršenja (po kvartalima u 2024. godini)</b>		<b>Nosilac (najmanji organizacioni dio)</b>
1.	Blagovremeno postupanje po zahtjevima za pristup informacijama	I-IV		Predsjednik suda Sekretar suda

### C. Godišnji plan rješavanja sudskih predmeta

Plan rješavanja predmeta u Okružnom privrednom sudu u Istočnom Sarajevu, izrađuje se u skladu s važećim Uputstvom za izradu planova rješavanja predmeta usvojenog od strane VSTS-a i to za svaku kalendarsku godinu posebno.

U vezi Plana rješavanja predmeta, izrađuju se pismeni izvještaji (tromjesečni, polugodišnji, devetomjesečni i godišnji) te dostavljaju VSTV – Jedinici za efikasnost i predsjedniku Višeg privrednog suda u Banja Luci, te analiziraju na Kolegiju sudija.

U Plan rješavanja predmeta za 2024. godinu uključene su sve sudije ali ni jedan/jedna nije zadužen/a sa brojem predmeta većim od 30 % godišnje sudijske norme.

Obzirom na broj i strukturu nezavršenih predmeta u 2023. godini, te na broj NPF koji rade na predmetima (četvero sudija uključujući predsjednicu suda) i utvrđenu raspodjelu predmeta za 2024. godinu ispunjeni su uvjeti da sa postojećim rasporedom predmeta po sudijama svi NPF imaju realne mogućnosti da riješe predmete iz Plana za 2024. godinu i da riješe priliv predmeta, te da ostvare godišnju sudijsku normu uz novoprimitljene predmete koje su dužni rješavati sukladno principu obveznog rješavanja predmeta prema starosti inicijalnog akta i hitnosti.

predsjednica suda  
Sandra Radoš-Čatak

